

0.0.1 sampasādaniya suttaṃ

sāriputta sihanādo

1. evaṃ me suttaṃ. ekaṃ samayaṃ bhagavā nāḷandāyaṃ¹ viharati pāvārikambavane. atha kho āyasmā sāriputto yena bhagavā tenupasaṅkami, upasaṅkamtvā bhagavantaṃ abhivādetvā ekamantaṃ nisīdi. ekamantaṃ nisinno kho āyasmā sāriputto bhagavantaṃ etadavoca: evaṃ pasanno ahaṃ bhante bhagavati, na cāhu na ca bhavissati na ceta-rahi vijjati añño sama-ṇovā brāhmaṇo vā bhagavatā bhiyyobhiññatara yadi-daṃ sambodhiyanti.

2. uḷārā kho te ayaṃ sāriputta āsabhī vācā bhāsītā, ekaṃso gahito, sihanādo nadito: evaṃ pasanno ahaṃ bhante bhagavati, na cāhu na ca bhavissati na ceta-rahi vijjati añño samaṇo vā brāhmaṇo vā bhagavatā bhiyyobhiññatara yadidaṃ samambodhiyanti, kiṃ te² sāriputta ye te ahesuṃ atītamaddhānaṃ arahanto sam-māsambuddhā, sabbe te bhagavanto cetasā ceto pa-ricca veditā, evaṃsīlā te bhagavanto ahesuṃ iti pi, evaṃ-dhammā te bhagavanto ahesuṃ itipi, evaṃpañña te bhagavanto ahesuṃ iti pi, evaṃvihārī te bhagavanto ahesuṃ iti pi, evaṃvimuttā te bhagavanto ahesuṃ itipī?ti.

3. no hettaṃ bhante.

¹nālandāyaṃ - machasaṃ

²kiṃnu - pts; kiṃ nu kho te - syā

4. kiṃ pana te sārīputta ye te bhavissanti anāgata-maddhānaṃ arahanto sammāsambuddhā, sabbe te bhagavanto cetasā ceto paricca veditā, ekaṃsilā te bhagavanto bhavissanti iti pi, evaṃdhammā te bhagavanto ahesuṃ itipi, evaṃpañña. evaṃvihārī. evaṃvimuttā te bhagavanto bhavissanti itipī?ti?.

5. no hetam bhante.

6. kiṃ pana te sārīputta ahaṃ etarahi ahaṃ sammāsambuddho cetasā ceto paricca vidito evaṃ sīlo bhagavā iti pi evaṃdhammo evaṃpañño evaṃvihārī evaṃvimutto bhagavā itipī? ti.

7. no hetam bhante.

8. ettha hi³ te sārīputta atītānāgatapaccuppannesu arahantesu sammāsambuddhesu cetopariyaññaṃ natthi. atha kiñcarahi te ayaṃ sārīputta uḷārā āsabhi vācā bhāsītā, ekaṃso gahito, sīhanādo nadito evaṃ pasanno ahaṃ bhante bhagavati, na cāhu naca bhavisati na cetarahi vijjati añño samaṇo vā brāhmaṇo vā bhagavatā bhiyyobhiññataro yadidaṃ sambodhiyanti?.

9. na kho meṃ⁴ bhante atītānāgatapaccuppannesu aharantesu sammāsambuddhesu cetopariyaññaṃ at-

³ettha ca hi - machasaṃ

⁴na kho panetaṃ - simu, syā

thi. api ca kho me bhante dhammanvayo vidito. seyya-
 thāpi bhante rañño paccantimaṃ nagaraṃ daḷhuddā-
 paṃ⁵ daḷhapākāraṭoraṇaṃ ekadvāraṃ, tatrassadovā-
 riko paṇḍito byatto⁶ medhāvī aññātānaṃ nivāretā, ñā-
 tānaṃ pavesetā, so tassa nagarassa samantā⁷ anupa-
 riyaṇapathaṃ anukkamaṃāno⁸ na passeyya pākāra-
 sandhiṃ vā pākāravivaraṃ vā antamaso bilāranissak-
 kanamattampi, tassa evamassa, ye keci oḷārikā pāṇā
 imaṃ nagaraṃ pavisanti vā nikkhamanti vā, sabbe
 te iminā dvārena pavisanti vā nikkhamanti vāti, eva-
 meva kho me bhante dhammanvayo vidito. ye te bhante
 ahesuṃ atitamaddhānaṃ aharanto sammā sambuddhā,
 sabbe te bhagavanto pañcānīvaraṇe pahāya cetaso upak-
 kilese paññāya dubbalīkaṇe, catusu⁹ satipaṭṭhānesu
 suppatiṭṭhitacittā, sattasambojjhaṅge yathābhūtaṃ bhā-
 vetvā anuttaraṃ sammāsambodhiṃ abhisambujjhimsu.

10. ye pi te bhavissanti. anāgatamaddhānaṃ ara-
 hanto sammāsambuddhā, sabbe te bhagavanto pañca-
 nīvaraṇe pahāya cetaso upakkilese paññāya dubbalī-
 kaṇe, catusu satipaṭṭhānesu suppatiṭṭhitacittā satta
 sambojjhaṅge¹⁰ yathābhūtaṃ bhāvetvā, anuttaraṃ sam-
 māsambodhiṃ abhisambujjhissanti. bhagavā pi bhante
 etarahi arahāṃ sammāsambuddho pañcānīvaraṇe pa-
 hāya cetaso upakkilese paññāya dubbalīkaṇe, ca-

⁵daḷahuddhāpa - machasaṃ; daḷahaddhālam - syā

⁶vitto - syā, pts

⁷sāmantā - sīmu, syā.

⁸anukkamante - pts

⁹catusu - pts

¹⁰bojjhaṃpe - pts

tusu satipaṭṭhanesu suppatitṭhitacitto satta sambojjhaṅge yathābhūtaṃ bhāvetvā, anuttaraṃ sammāsabbodhiṃ abhisambuddho.

11. idāhaṃ¹¹ bhante yena bhagavā tenupasaṅkamīṃ dhammasavaṇāya¹². tissa me bhante bhagavā dhammaṃ desesi¹³. uttaruttaraṃ paṇītapāṇītaṃ kaṇhasukkasappaṭibhāgaṃ. yathā yathā me bhante bhagavā dhammaṃ desesi uttaruttaraṃ¹⁴ paṇītapāṇītaṃ kaṇhasukkasappaṭibhāgaṃ, tathā tathāhaṃ tasmiṃ dhamme abhiññā idhekaccaṃ dhammaṃ dhammesu niṭṭhamaṃ, satthari paṣīdiṃ, sammāsambuddho vata so bhagavā, svākkhāto bhagavatā dhammo, supaṭipanno¹⁵ bhagavato sāvakasaṅgho.

kusaladhammadesanā

12. aparaṃ pana bhante etadānuttariyaṃ, yathā bhagavā dhammaṃ deseti kusalesu dhammesu. tatthime kusalā dhammā: seyyathidaṃ cattāro satipaṭṭhānā, cattāro sammappadhānā, cattāro iddhipādā, pañcindriyāni, pañcabalāni, satta bojjhaṅgā, ariyo aṭṭhaṅgiko maggo. idha bhante bhikkhu āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayāṃ abhiññā sacchikatvā upasampajja viharati. etaḍānuttariyaṃ bhante kusalesu dhammesu taṃ bhagavā

¹¹idhāhaṃ - machasaṃ

¹²dhammassavaṇāya - machasaṃ; dhamma savanāya - pts

¹³deseti - machasaṃ

¹⁴uttaruttariṃ - syā, pts

¹⁵supaṭipanno sāvakasaṅgho - machasaṃ

asesamabhijānāti taṃ bhagavato asesamabhijānato uttarim abhiññeyyaṃ natthi, yadabhijānaṃ añño samaṇo vā brāhmaṇo vā bhagavatā bhiyyobhiññataro assa yadidaṃ kusalesu dhammesu.

āyatanapaññatti

13. aparaṃ pana bhante etadānuttariyaṃ, yathā bhagavā dhammā deseti āyatanapaṇṇattīsu¹⁶. chayimāni bhante ajjhattikabāhirāni āyatanāni: cakkhuñca¹⁷ rūpāni ca sotañca¹⁸ saddāca, ghāṇañca¹⁹ gandhā ca jivhā ca²⁰ rasā ca, kāyo ca²¹ phoṭṭhabbā ca²² mano ca²³ dhammā ca. etadānuttariyaṃ bhante āyatanapaṇṇattīsu. taṃ bhagavā asesamabhijānāti taṃ bhagavato asesamabhijānato uttarim abhiññeyyaṃ natthi, yadabhijānaṃ añño samaṇo vā brāhmaṇo vā bhagavatā bhiyyo bhiññataro assa yadidaṃ āyatanapaṇṇattīsu.

gabbhāvakkantidesanā

14. aparaṃ pana bhante etadānuttariyaṃ, yathā bhagavā dhammaṃ deseti gabbhāvakkantisu. catasso imā bhante gabbhāvakkantiyo: idha bhante ekacco asam-

¹⁶āyatanapaññattīsu - pts

¹⁷cakkhuñceva - sīmu, machasaṃ

¹⁸so tañceva - pts

¹⁹ghāṇañceva - pts

²⁰jivhāceva - pts

²¹kāyoceva - pts

²²phoṭṭhabba ceva. - sīmu

²³manoceva - pts

pajāno mātukucchiṃ okkamati, asampajāno mātukucchismiṃ ṭhāti, asampajāno mātukucchimhā nikkhamati. ayaṃ paṭhamā gabbhāvakkanti. puna ca paraṃ bhante idhekacco sampajāne mātukucchiṃ okkamati, asampajāno mātukucchismiṃ ṭhāti, asampajāno mātukucchimhā nikkhamati. ayaṃ dutiyā gabbhāvakkanti. puna ca paraṃ bhante idhekacco sampajāno²⁴ mātukucchiṃ okkamati, sampajāno mātukucchismiṃ ṭhāti, asampajāno mātukucchimbhā²⁵ nikkhamati. ayaṃ tatiyā gabbhāvakkanti. puna ca paraṃ bhante idhekacco sampajāno mātukucchiṃ okkamati, sampajāno mātukucchismiṃ ṭhāti, sampajāno mātukucchimhā nikkhamati. ayaṃ catutthi²⁶ gabbhāvakkanti. etadānuttariyaṃ bhante gabbhāvakkantisu

ādesanavidhā desanā

15. aparaṃ pana bhante etadānuttariyaṃ, yathā bhagavā dhammaṃ deseti ādesanavidhāsu. catasso imā bhante ādesanavidhā. idha bhante ekacco nimittena ādisati evampi te mano, itthampi te mano, iti pi te citanti. so bahuṃ cepi ādisati tatheva taṃ hoti, no aññathā. ayaṃ paṭhamā ādesanavidhā.

16. puna ca paraṃ bhante idhekacco na heva kho nimittena ādisati, api ca kho manussānaṃ vā amanussānaṃ vā devatānaṃ vā saddaṃ sutvā ādisati. evampi

²⁴samapajāno pi - pts

²⁵mātutucchismā - pts

²⁶catuttha - machasaṃ

te mano, itthampī te mano, itipi te cittanti, so bahum cepi ādisati, tatheva taṃ hoti, no aññathā. ayaṃ dutiyā ādesanavidhā. puna ca paraṃ bhante idhekacco na heva kho nimittena ādisati, nāpi manussānaṃ vā amanussānaṃ vā devatānaṃ vā saddaṃ sutvā ādisati, api ca kho vitakkayato vicārayato vitakkavipphārasaddaṃ sutvā ādisati evampi te mano, itthampi te mano, itipi te cittanti. so bahum ce pi ādisati tatheva taṃ hoti no aññathā. ayaṃ tatiyā ādesanavidhā. puna ca paraṃ bhante idhekacco na heva kho nimittena ādisati, nāpi manussānaṃ vā amanussānaṃ vā devatānaṃ vā saddaṃ sutvā ādisati, nāpi vitakkayato vicārayato vitakkavipphārasaddaṃ sutvā ādisati, api ca kho vitakkavicārasamādhisamāpannassa cetasā ceto paricca pajānāti - yathā imassa bhoto manosāṅkhārā paṇihitā, tathā imassa cittassa anantarā imaṃ nāma vitakkaṃ vitakkessatīti. so bahuñcepi ādisati, tatheva taṃ hoti no aññathā. ayaṃ catutthā ādesanavidhā. etadānuttariyaṃ bhante ādesanavidhāsu.

dassanasamāpatti desanā

17. aparaṃ pana bhante etadānuttariyaṃ yathā bhagavā dhammaṃ deseti dassanasamāpattisu. catasso imā bhante dassanasamāpattiyo: idha bhante ekacco samaṇo vā brāhmaṇo vā ātappamanvāya padhānāmanvāya anuyogamanvāya appamādamānāya sammāmanasikāramānāya tathā rūpaṃ cetosamādhim phusati yathā samāhite citte imameva kāyaṃ uddhaṃ pādātālā adho kesamatthakā tacapariyaṇtaṃ pūraṃ nānapakārassa asucino paccavekkhati: atthi imasmiṃ kāye

kesā lomā nakhā dantā taco maṃsaṃ nahāra²⁷ aṭṭhi²⁸
 aṭṭhimiñjā²⁹ vakkam hadayaṃ yakanam kilomakam pi-
 hakaṃ papphāsaṃ antaṃ antaṃ udariyaṃ karī-
 saṃ pittaṃ semhaṃ pubbo lohitaṃ sedo medo assu
 vasā kheḷo siṅghānikā lasikā muttanti. ayaṃ paṭhamā
 dassanasamāpatti.

18. puna ca param bhante idhekacco samaṇo vā brā-
 hmaṇo vā ātappamanvāya padhānamanvāya anuyoga-
 manvāya appamādamanvāya sammāmanasikāramanvāya
 tathā rūpaṃ cetosamādhim phusati yathā samāhite
 citte imaṇceva kāyaṃ uddham pādatalā adho kesa-
 matthakā tacapariyantaṃ pūraṃ nānappakārassa asu-
 cino paccavekkhati: atthi imasmim kāye kesā lomā na-
 khā dantā taco maṃsaṃ nahāra³⁰ aṭṭhi³¹ aṭṭhimiñjā³²
 vakkam hadayaṃ yakanam kilomakam pihakaṃ pap-
 phāsaṃ antaṃ antaṃ udariyaṃ karīsaṃ pittaṃ
 semhaṃ pubbo lohitaṃ sedo medo assu vasā kheḷo
 siṅghānikā lasikā muttanti. atikkamma ca purisassa
 chavimaṃsa lohitaṃ aṭṭhim paccavekkhati. ayaṃ du-
 tiyādassanasamāpatti.

19. puna ca param bhante idhekacco samaṇo vā brā-
 hmaṇo vā ātappamanvāya padhānamanvāya anuyoga-

²⁷ nahāru - syā, pts

²⁸ aṭṭhi - syā, pts

²⁹ aṭṭhimiñjaṃ - machasaṃ

³⁰ nahāru - syā, pts

³¹ aṭṭhi - syā, pts

³² aṭṭhimiñjaṃ - machasaṃ

manvāya appamādamanvāya sammāmanasikāramanvāya
 tathā rūpaṃ cetosamādhim phusati yathā samāhite
 citte imañceva kāyaṃ uddhaṃ pādatalā adho kesa-
 matthakā tacapariyaṇtaṃ pūraṃ nānappakārassa asu-
 cino paccavekkhati: atthi imasmim kāye kesā lomā na-
 khā dantā taco maṃsaṃ nahāra³³ atthi³⁴ atthimiñjā³⁵
 vakkhaṃ hadayaṃ yakaṇaṃ kilomakaṃ pihakaṃ pap-
 phāsaṃ antaṃ antagaṇaṃ udariyaṃ karisaṃ pittaṃ
 semhaṃ pubbo lohitaṃ sedo medo assu vasā kheḷo
 siṅghānikā lasikā muttanti. atikkamma ca purisassa
 chavimaṃsa lohitaṃ atthim paccavekkhati. purisassa
 ca viññāṇasotaṃ pajānāti ubhayato abbocchinnaṃ idha
 loke patiṭṭhitaṃ ca paraloke patiṭṭhitaṃ ca. ayaṃ ta-
 tiyā dassanasamāpatti.

20. puna ca paraṃ bhante idhekacco samaṇo vā brā-
 hmaṇo vā ātappamanvāya padhānamanvāya anuyoga-
 manvāya appamādamanvāya sammāmanasikāramanvāya
 tathā rūpaṃ cetosamādhim phusati yathā samāhite
 citte imameva kāyaṃ uddhaṃ pādatalā adho kesamat-
 thako tacapariyaṇtaṃ pūraṃ nānappakārassa asucino
 paccavekkhati: atthi imasmim kāya kesā lomā nakhā
 dantā taco maṃsaṃ nahāra³⁶ atthi³⁷ atthimiñjā³⁸ vak-
 kaṃ hadayaṃ yakaṇaṃ kilomakaṃ pihakaṃ papphā-
 saṃ antaṃ antagaṇaṃ udariyaṃ karisaṃ pittaṃ sem-

³³ nahāru - syā, pts

³⁴ atthi - syā, pts

³⁵ atthimiñjaṃ - machasaṃ

³⁶ nahāru - syā, pts

³⁷ atthi - syā, pts

³⁸ atthimiñjaṃ - machasaṃ

haṃ pubbo lohitaṃ sedo medo assu vasā kheḷo siṅghānikā lasikā muttanti. atikkamma ca purisassa chavimaṃsa lohitaṃ aṭṭhiṃ paccavekkhati. purisassa ca viññāṇasotaṃ pajānāti ubhayato abbocchinnaṃ idha loke appatitṭhitañca paraloke appatitṭhitañca. ayaṃ catutthā dassanasamāpatti. etadānuttariyaṃ bhante dassanasamāpattisu.

puggalapaṇṇatidesanā

21. aparaṃ pana bhante etadānuttariyaṃ, yathā bhagavā dhammaṃ deseti puggalapaṇṇattisu³⁹. sattime bhante puggalā: ubhatobhāgavimutto, paññāvimutto, kāyasakkhi, diṭṭhippatta, saddhāvimutto, dhammānusaṁsārī, saddhānusaṁsārī. etadānuttariyaṃ bhante puggalapaṇṇattisu.

padhānadesanā

22. aparaṃ pana bhante etadānuttariyaṃ yathā bhagavā dhammaṃ deseti padhānesu. sattime bhante sambojjhaṅgā: satisambojjhaṅgo, dhammavicayasambojjhaṅgo, viriya⁴⁰ sambojjhaṅgo, pītisambojjhaṅgo pasaddhisambojjhaṅgo samādhisambojjhaṅgo, upekkhāsambojjhaṅgo. etadānuttariyaṃ bhante padhānesu.

³⁹puggalapaṇṇattisu - sīmu

⁴⁰viriyam. - machasam

paṭipadādesanā

23. aparaṃ pana bhante etadānuttariyaṃ yathā bhagavā dhammaṃ deseti paṭipadāsu. catasso imā bhante paṭipadā: dukkhā paṭipadā dandhābhiññā, dukkhā paṭipadā khippābhiññā, sukhā paṭipadā dandhābhiññā, sukhā paṭipadā khippābhiññāti. tatra bhante yāyaṃ paṭipadā dukkhā dandhābhiññā, ayaṃ bhante paṭipadā ubhayeneva hīnā akkhāyati dukkhattā ca dandhattā ca. tatra bhante yāyaṃ paṭipadā dukkhā khippābhiññā, ayaṃ pana bhante paṭipadā dukkhattā hīnā akkhāyati. tatra bhante yāyaṃ paṭipadā sukhā dandhābhiññā, ayaṃ pana bhante paṭipadā dandhattā hīnā akkhāyati. tatra bhante yāyaṃ paṭipadā sukhā khippābhiññā, ayaṃ pana bhante paṭipadā ubhayeneva paṇītā akkhāyati sukhattā ca khīpattā ca. etadānuttariyaṃ bhante paṭipadāsu.

bhassasamācārādi desanā

24. aparaṃ pana bhante etadānuttariyaṃ yathā bhagavā dhammaṃ deseti bhassasasamācāre. idha bhante ekacco na ceva musāvādūpasamhitāṃ vācaṃ bhāsati, na ca vebhūtiyaṃ na ca pesuniyaṃ⁴¹ na ca sārāmbhajaṃ jayāpekkho, mantā mantā vācaṃ bhāsati nidhānavatiṃ kālēna, etadānuttariyaṃ bhante bhassasamācāre.

⁴¹pesuniyaṃ - machasaṃ

25. aparaṃ pana bhante etadānuttariyaṃ, yathā bhagavā dhammaṃ deseti purisaśīlasamācāre. idha bhante ekacco cassa saddho ca. na ca kuhako, na ca lapako, na ca nemittiko, na ca nippesiko, na ca lābhena lābhaṃ nijihisanako⁴² indriyesu guttadvāro, bhojane mataññu, samakārī, jāgariyānuyogamanuyutto, atandito, āradhaviṛiyo, jhāyī, satimā, kalyāṇapaṭibhāno, gatimā, dhitimā, matimā na ca kāmesu giddho, sato ca nipako ca. etadānuttariyaṃ bhante purisaśīlasamācāre.

anusāsanavidhādesanā

26. aparaṃ pana bhante etadānuttariyaṃ yathā bhagavā dhammaṃ deseti anusāsanavidhāsu. catasso imā bhante anusāsanavidhā. jānāti bhante bhagavā paraṃ puggalaṃ paccattaṃ yoniso manasikārā, ayaṃ puggalo yathānusiṭṭhaṃ tathā paṭipajjamāno, tiṇṇaṃ saññojanānaṃ parikkhayā sotāpanto bhavissati avinipātadhammo niyato sambodhiparāyaṇoti. jānāti bhante bhagavā paraṃ⁴³ puggalaṃ paccattaṃ yonisomanasikārā, - ayaṃ puggalo yathānusiṭṭhaṃ tathā paṭipajjamāno tiṇṇaṃ saññojanānaṃ parikkhayā rāgadosamohānaṃ tanuttā sakadāgāmī bhavissati, sakideva imaṃ lokaṃ āgantvā dukkhassantaṃ karissatīti.

27. jānāti bhante bhagavā paraṃ puggalaṃ paccattaṃ yoniso manasikārā, ayaṃ puggalo yathānusiṭṭhaṃ

⁴²niciḡiṃsanako - syā; nijigīnako - machasaṃ

⁴³aparā - machasaṃ; parapuggalaṃ - pts

tathā paṭipajjamāno, pañcannaṃ orambhāgiyānaṃ sañ-
ñojanānaṃ parikkhayā opapātiko bhavissati, tattha pa-
rinibbāyī anāvattidhammā tasmā lokāti.

28. jānāti bhante bhagavā paraṃ puggalaṃ paccat-
taṃ yoniso manasikārā, - ayaṃ puggaloyathānusiṭṭhaṃ
tathā paṭipajjamāno āsavānaṃ khayā anāsavaṃ ceto-
vimuttiṃ paññāvimuttiṃ diṭṭheva dhamme sayāṃ abhiññā
sacchikatvā upasampajja viharissatīti. etadānuttari-
yaṃ bhante anusāsanavidhāsu.

parapuggalavimuttiñāṇadesanā

29. aparaṃ pana bhante etadānuttariyaṃ yathā bha-
gavā dhammaṃ deseti parapuggalavimuttiñāṇe. jā-
nāti bhante bhagavā paraṃ puggalaṃ paccattaṃ yo-
nisomanasikārā, ayaṃ puggalo tiṇṇaṃ saññojanānaṃ
parikkhayā sotāpanno bhavissati avinipātadhammo ni-
yato sambodhiparāyaṇoti. jānāti bhante bhagavā pa-
raṃ puggalaṃ paccattaṃ yoniso manasikārā, ayaṃ
puggalo tiṇṇaṃ saññojanānaṃ parikkhayā rāgadosa-
mohānaṃ tanuttā sakādāgimī bhavissati sakideva imaṃ
lokaṃ āgantvā dukkhassantaṃ karissatīti.

30. jānāti bhante bhagavā paraṃ puggalaṃ paccat-
taṃ yoniso manasikārā, ayaṃ puggalo pañcannaṃ oram-
bhāgiyānaṃ saññojanānaṃ parikkhayā opapātiko bha-
vissati tattha parinibbāyī anāvattidhammā tasmā lo-
kāti.

31. jānāti bhante bhagavā param puggalaṃ paccat-
taṃ yoniso manasikārā ayaṃ puggalo āsavānaṃ khayā
anāsavaṃ cetovimuttiṃ paññāvimuttiṃ diṭṭheva dhamme
sayāṃ abhiññā sacchikatvā upasampajja viharissatīti.
etadānuttariyaṃ bhante parapuggalavimuttiñāṇe.

sassatavādadesanā

32. aparaṃ pana bhante etadānuttariyaṃ yathā bha-
gavā dhammāṃ deseti sassatavādesu. tayo me bhante
sassatavādā. idha bhante ekacco samaṇo vā brāhmaṇo
vā ātappamanvāya padhānamatvāya anuyogamanvāya
appamādamanvāya sammā manasikāramanvāya tathā-
rūpaṃ cetosamādhim phusati, yathā samāhite citte
anekavihiṭaṃ pubbenivāsaṃ anussarati seyyathidaṃ:
ekampi jātiṃ dve pi jātiyo tisso pi jātiyo catasso pi jā-
tiyo pañca pi jātiyo dasa pi jātiyo vīsampi⁴⁴ jātiyo tiṃ-
sampi jātiyo cattālīsampi⁴⁵ jātiyo paññāsampi jātiyo
jāṭisatampi jāṭisahassampi jāṭisatasahassampi, anekā-
nipi jāṭisatāni anekāni pi jāṭisahassāni anekāni pi jāṭi-
satasahassāni, amutrāsiṃ evaṃnāmo evaṃgotto evaṃ-
vaṇṇo evamāhāro evaṃsukhadukkhapaṭisaṃvedī eva-
māyupariyanto. so tato cuto amutra udapādim⁴⁶. ta-
trāpāsiṃ evaṃnāmo evaṃgotto evaṃvaṇṇo evamāhāro
evaṃsukhadukkhapaṭisaṃvedī evamāyupariyanto. so
tato cuto idhūpapannoti. iti sākāraṃ sauddesaṃ ane-
kavihiṭaṃ pubbenivāsaṃ anussarati. so evamāha. atī-

⁴⁴visatimpi - pts

⁴⁵cattālīsampi - syā; cattārisaṃ - pts

⁴⁶uppādi - pts

tampāhaṃ⁴⁷ addhānaṃ jānāmi saṃvaññī⁴⁸ pi loke vivaṭṭi pi ti, anāgatampāhaṃ addhānaṃ jānāmi saṃvaṭṭissati vā loko vivaṭṭissati vāti. sassato attā ca loko ca vañjho kuṭaṭṭho⁴⁹ esikaṭṭhāyī t̥hito te va sattā sandhāvanti saṃsaranti vacanti upapajjanti, atthitveva sassatisamanti. ayaṃ paṭhamo sassatavādo.

33. punaca paraṃ bhante idhekacco samaṇo vā brāhmaṇo vā ātappavanvāya padhānamanvāya anuyogamanvāya appamādamanvāya sammāmanasikāramanvāya tathā rūpaṃ cetosamādhim phusati yathā samāhite citte anekavihiṭaṃ pubbenivāsaṃ anussarati, seyyathidaṃ⁵⁰ ekampi saṃvaṭṭavivaṭṭaṃ dve pi saṃvaṭṭavivaññāni tīni pi saṃvaṭṭavivaññāni cattārī pi saṃvaṭṭavivaññāni pañca pi saṃvaṭṭavivaññāni dasa pi saṃvaṭṭavivaññāni amutrāsīṃ evaṃnāmo evaṃgotto evaṃvaṇṇo evamāhāro evaṃsukhadukkhapaṭisaṃvedī evamāyupariyanto. so tato cuto amutra udapādim, tatrāpasīṃ evaṃnāmo evaṃgotto evaṃvaṇṇo evamāhāro evaṃsukhadukkhapaṭisaṃvedī evamāyupariyanto so tato cuto idhuppannoti. iti sākāraṃ sauddesaṃ anekavihiṭaṃ pubbenivāsaṃ anussarati. so evamāha: atī-tampāhaṃ addhānaṃ jānāmi saṃvaṭṭi vā loko vivaññī vā loko, anāgatañca khvāhaṃ addhānaṃ jānāmi saṃvaṭṭissati vā loko vivaṭṭissati vāti. sassato attā ca loko ca vañjho kuṭaṭṭho esikaṭṭhāyī t̥hito teva sattā sandhā-

⁴⁷atītaṃ vāhaṃ - syā; atītampihaṃ - pts

⁴⁸saṃvaṭṭi vā, ... vivaṭṭi vā - sīmu

⁴⁹kuṭaṭṭo - syā

⁵⁰seyyathidaṃ - machasaṃ

vanti saṃsaranti cavanti upapajjanti. atthitveva sas-
satisamanti. ayaṃ bhante dutiyo sassatavādo.

34. puna ca paraṃ bhante idhekacco samaṇo vā brā-
hmaṇo vā ātappamanvāya padhānamanvāya anuyoga-
manvāya appamādamanvāya sammāmanasikāramanvāya
tathā rūpaṃ cetosamādhim phusati yathā samāhite
citte anekavihitam pubbenivāsaṃ anussarati, seyya-
thīdam⁵¹ ekampi saṃvaṭṭavivaṭṭam dve pi saṃvaṭṭavi-
vaññāni tīni pi saṃvaṭṭavivaññāni cattārī pi saṃvaṭṭa-
vivaññāni pañca pi saṃvaṭṭavivaññāni dasa pi saṃvaṭ-
ṭavivaññāni amutrāsīm evaṃnāmo evaṃgotto evaṃ-
vaṇṇo evamāhāro evaṃsukhadukkhapaṭisaṃvedī eva-
māyupariyanto. so tato cuto amutra udapādim, tatrā-
pāsīm evaṃnāmo evaṃgotto evaṃvaṇṇo evamāhāro
evaṃsukhadukkhapaṭisaṃvedī evamāyupariyanto. so
tato cuto idhuppannoti. iti sākāraṃ sauddesaṃ ane-
kavihitam pubbenivāsaṃ anussarati. so evamāha: atī-
tampāhaṃ addhānaṃ jānāmi saṃvaññī pi loko vivaññī
pīti. anāgatampāhaṃ addhānaṃ jānāmi saṃvaṭṭissati
pi loko vivaṭṭissati pīti. sassato attā ca loko ca vañ-
jho kuṭaṭṭho esikaṭṭhāyī ṭhito, teva sattā sandhāvanti
saṃsaranti cavanti upapajjanti. atthitveva sassatisa-
manti. ayaṃ bhante tatiyo sassatavādo, etadānuttari-
yaṃ bhante sassatavādesu.

⁵¹seyyathīdam - machasaṃ

pubbenivāsānussatiñāñadesanā

35. aparaṃ pana bhante etadānuttariyaṃ, yathā bhagavā dhammaṃ deseti pubbenivāsānussatiñāṇe. idha bhante ekacco samaṇo vā brāhmaṇo vā ātappamanvāya padhānamanvāya anuyogamanvāya appamādamanvāya sammāmanasikāramanvāya tathā rūpaṃ cetosamādhim phusati yathā samāhite citte anekavihiṭṭaṃ pubbenivāsaṃ anussarati, seyyathidaṃ ekampi jātiṃ dvepi jātiyo tissopi jātiyo catassopi jātiyo pañcapi jātiyo dasapi jātiyo vīsampi jātiyo tiṃsampi jātiyo cattālīsampi jātiyo paññāsampi jātiyo satampi jātiyo sahaṣṣampi jātiyo sataṣaṣṣampi jātiyo aneke pi saṃvaṭṭakappe aneke pi vivaṭṭakappe aneke pi saṃvaṭṭavivaṭṭakappe, amutrāsiṃ evaṃnāmo evaṃgotto evaṃvaṇṇo evamāhāro evaṃsukhadukkhapaṭisaṃvedī evamāyupariyanto. so tato cuto amutra udapādi. tatrāpāsiṃ evaṃnāmo evaṃgotto evaṃvaṇṇo evamāhāro evaṃsukhadukkhapaṭisaṃvedī evamāyupariyanto. so tato cuto idhūpaṇnoti. iti sākāraṃ sauddesaṃ anekavihiṭṭaṃ pubbenivāsaṃ anussarati. santi bhante devā⁵² yesaṃ na sakkā gaṇanāya vā saṅkhānena⁵³ vā āyusaṃ saṅkhātum, api ca yasmiṃ yasmiṃ attabhāve abhinivutthapubbo⁵⁴ hoti yadi vā rūpīsu yadi vā arūpīsu yadi vā saññīsu yadi vā asaññīsu yadi vā nevasaññīnāsaññīsu. iti sākāraṃ sauddesaṃ anekavihiṭṭaṃ pubbenivāsaṃ anussarati. etadānuttariyaṃ bhante pubbenivāsānussatiñāṇe.

⁵²sattā - syā

⁵³saṃkhāto - pts

⁵⁴abhinivutthapubebā - machasaṃ

cutupapātaññadesanā

36. aparaṃ pana bhante etadānuttariyaṃ yathā bhagavā dhammaṃ deseti sattānaṃ cūṭupapātaññe. idha bhante ekacco samaṇo vā brāhmaṇo vā ātappamanvāya padhānamanvāya anuyogamanvāya appamādamanvāya sammāmanasikāramanvāya tathārūpaṃ cetosamādhim phusati yathā samāhite citte dibbena cakkhunā visuddhena atikkantamānusakena satte passati cavamāne upapajjamāne hīne paṇīte suvaṇṇe dubbaṇṇe sugate duggate yathākammūpage satte pajānāti; ime vata bhonto sattā kāyaduccaritena samannāgatā vacīduccaritena samannāgatā manoduccaritena samannāgatā ariyānaṃ upavādakā micchādīṭṭhikā micchādīṭṭhikammasamādhānā, te kāyassa bheda parammaraṇā apāyaṃ duggatiṃ vinipātaṃ nirayaṃ upapannā. ime vā pana bhonto sattā kāyasucaritena samannāgatā vacīsucaritena samannāgatā manosucaritena samannāgatā ariyānaṃ anupavādakā sammādīṭṭhikā sammādīṭṭhikammasamādhānā, te kāyassa bheda parammaraṇā sugatiṃ saggaṃ lokaṃ upapannāti. iti dibbena cakkhunā visuddhena atikkantamānusakena satte passati vacamāne upapajjamāne hīne paṇīte suvaṇṇe dubbaṇṇe sugate duggate yathākammūpage satte pajānāti. etadānuttariyaṃ bhante sattānaṃ cutupapātaññe.

iddhividhadesanā

37. aparaṃ pana bhante etadānuttariyaṃ yathā bhagavā dhammaṃ deseti iddhividhāsu. dvemā bhante

iddhividhāyo⁵⁵. atthi bhante iddhi yā sāsavā saupadhikā no ariyāti vuccati. atthi bhante iddhi yā anāsavā anupadhikā ariyāti. katamā ca bhante iddhi yā sāsavā⁵⁶ saupadhikā no ariyāti vuccati? idha bhante ekacco samaṇo vā brāhmaṇo vā ātappamanvāya padhānamanvāya anuyogamanvāya appamādamanvāya sammāmanasikāramanvāya tathārūpaṃ cetosamādhim phusati yathā samāhite citte anekavihiṭṭaṃ iddhividhaṃ paccanuhoti: eko pi hutvā bahudhā hoti, bahudhā pi hutvā eko hoti, āvibhāvaṃ tirobhavaṃ tirokuḍḍaṃ⁵⁷ tiropākāraṃ tiropabbataṃ asajjamāno⁵⁸ gacchati seyyathāpi ākāse. paṭhaviyā pi ummujjanimujjaṃ karoti seyyathāpi udake, udake pi abhijjamāne gacchati seyyathāpi paṭhaviyaṃ, ākāse pi pallaṅkena kamati seyyathāpi pakkhi saṇṇo. ime pi candima suriye⁵⁹ evaṃ mahiddhike evaṃ mahānubhāve pāṇinā parimasati⁶⁰ parimajjati. yāva brahmalokā pi kāyena vasaṃ vatteti. ayaṃ bhante iddhi yā sāsavā saupadhikā no ariyā ti vuccati.

38. katamā pana bhante iddhi yā anāsavā anupadhikā ariyā ti vuccati? idha bhante bhikkhu sace ākaṅkhati paṭikūle appaṭikūlasaṇṇi vihareyyanti, appaṭikūlasaṇṇi tattha viharati. sace ākaṅkhati appaṭikūle paṭikūlasaṇṇi vihareyyanti, paṭikūlasaṇṇi tattha viharati. sace

⁵⁵iddhiye - pts

⁵⁶iddhisāsavā - machasaṃ

⁵⁷tirokaṭṭaṃ - machasaṃ

⁵⁸abhijjamāno - pts

⁵⁹mūriye - machasaṃ

⁶⁰parāmasati - simu

ākaṅkhati paṭikūle ca appaṭikūle ca appaṭikūlasaṅṅhi vihareyyanti appaṭikūlasaṅṅhi tattha viharati. sace ākaṅkhati paṭikūle ca appaṭikūle ca paṭikūlasaṅṅhi vihareyyanti, paṭikūlasaṅṅhi tattha viharati. sace ākaṅkhati paṭikūlaṅca appaṭikūlaṅca tadubhayaṃ abhinivajjetvā upekkhako vihareyyaṃ sato sampajānoti, upekkhako tattha viharati sato sampajāno. ayaṃ pana bhante iddhi anāsavā anupadhikā ariyā ti vuccati. etadānutariyaṃ bhante iddhividhāsu. taṃ bhagavā asesamabhijānāti. taṃ bhagavato asesamabhijānato uttariṃ abhiññeyyaṃ natthi, yadabhijānaṃ aṅṅo samaṇo vā brāhmaṇo vā bhagavatā bhiyyobhiññataro assa yadi daṃ iddhividhāsu.

39. yantaṃ bhante saddhena kulaputtena pattabbaṃ āradhaviyena thānavatā purisathāmena purisaviyena purisaparakkamena purisadhorayhena, anupattaṃ taṃ bhagavatā. na ca bhante bhagavā kāmesu kāmasukhallikānuyogamanuyutto hīnaṃ gammaṃ pothuḍḍhanikaṃ anariyaṃ anatthasaṃhitā, na ca attakilamathānuyogamanuyutto dukkhaṃ anariyaṃ anatthasaṃhitā, catunnaṃ ca bhagavā jhānānaṃ ābhicetasikānaṃ diṭṭhadhammasukhavihārānaṃ nikāmalābhī akicchālābhī akasiralābhī.

anuyogadānappakāro

40. sace maṃ bhante evaṃ puccheyya kinnu kho āvuso sārīputta, ahesuṃ atītamaddhānaṃ aṅṅe samaṇo vā brāhmaṇā vā bhagavatā bhiyyo bhiññatarā sambodhi-

yanti? evaṃ puṭṭho ahaṃ bhante noti vadeyyaṃ. kiṃ paṇāvuso sārīputta bhavissanti anāgata-maddhānaṃ aññe samaṇā vā brāhmaṇā vā bhagavatā bhiyyobhiññatarā sabbodhiyanti? evaṃ puṭṭho ahaṃ bhante noti vadeyyaṃ. kiṃ paṇāvuso sārīputta atthetarahi añño samaṇo vā brāhmaṇo vā bhagavatā bhiyyobhiññataro sambodhiyanti? evaṃ puṭṭho ahaṃ bhante noti vadeyyaṃ. sace pana maṃ bhante evaṃ puccheyya kinnu kho āvuso sārīputta ahesuṃ atītamaddhānaṃ aññe samaṇā vā brāhmaṇā vā bhagavatā samasamā sambodhiyanti? evaṃ puṭṭho ahaṃ bhante evanti vadeyyaṃ. kiṃ paṇāvuso sārīputta, bhavissanti anāgata-maddhānaṃ aññe samaṇā vā brāhmaṇā vā bhagavatā samasamā sambodhiyanti? evaṃ puṭṭho ahaṃ bhante evanti vadeyyaṃ. kaṃ paṇāvuso sārīputta atthetarahi aññe samaṇā vā brāhmaṇā vā bhagavatā samasamā sambodhiyanti? evaṃ puṭṭho ahaṃ bhantenoti vadeyyaṃ. sace pana maṃ bhante evaṃ puccheyya, kiṃ paṇāyasmā sārīputto ekaccaṃ abbhanujānāti ekaccaṃ nābbhanujānāti?ti evaṃ puṭṭho ahaṃ bhante evaṃ byākareyyaṃ sammukhā metāṃ āvuso bhagavato sutāṃ, sammukhā paṭiggahitaṃ. ahesuṃ atītamaddhānaṃ arahanto sammāsambuddhā mayā samasamā sambodhiyanti. sammukhā metāṃ āvuso bhagavato sutāṃ, sammukhā paṭiggahitaṃ: bhavissanti anāgata-maddhānaṃ arahanto sammāsambuddhā mayā samasamā sambodhiyanti. sammukhā metāṃ āvuso bhagavato sutāṃ sammukhā paṭiggahitaṃ:

41. aṭṭhānametaṃ anavakāso yaṃ ekissā lokadhātuyā dve arahanto sammāsambuddhā apubbam acarimaṃ uppajeyyūṃ. netam ṭhānam vijjatīti. ekaccāhaṃ bhante evaṃ puttḥo evaṃ byākaramāno vuttavādī ceva bhagavato homi. na ca bhagavantam abhutena abbhācikkhāmi, dhammassa cānudhammaṃ byākaromi, na ca koci sahadhammiko. vādānupāto⁶¹ gārayhaṃ ṭhānam āgacchatī?ti.

42. tagagha tvam sārīputta evaṃ puttḥo evaṃ byākaramāno vuttavādī ceva me hoti na ca maṃ abhutena abbhācikkhasi, dhammassa cānudhammaṃ byākarosi, na ca koci sahadhammiko vādānupāto gārayhaṃ ṭhānam āgacchatiti.

acchariyabbhūtāni

43. evaṃ vutte āyasmā udāyī bhagavantam etadavoca: acchariyaṃ bhante abbhūtam bhante tathāgatassa appicchatā santuṭṭhitā sallekhatā yatra hī nāma tathāgato evaṃmahiddhiko evaṃmahānubhāvo, atha ca pana nevattānam pātukarissati. ekamekaṃ cepi ito bhante dhammaṃ aññatitthiyā paribbājakā attani samanupasseyyūṃ, te tāvatakeneva paṭākam parihareyyūṃ. acchariyaṃ bhante abbhūtam bhante tathāgatassa appicchatā santuṭṭhitā sallekhatā, yatra hi nāma tathāgato evaṃmahiddhiko evaṃmahānubhavo, atha ca pana nevattānam pātukarissatīti.

⁶¹vādānupāto - machasaṃ

44. passa kho tvaṃ udāyi: tathāgatassa appicchatā santuṭṭhitā sallekhatā, yatra hi nāma tathāgato evaṃ mahiddhiko evaṃmahānubhāvo, atha ca pana nevattānaṃ pātukarissati. ekamekaṃ cepi ito udāyi dhammaṃ aññatitthiyā paribbājakā attani samanupasseyyuṃ, te tāvatakeneva paṭākaṃ parihareyyuṃ. passa kho tvaṃ udāyi: tathāgatassa apapicchatā santuṭṭhitā sallekhatā, yatra hi nāma tathāgato evaṃmahiddhiko evaṃmahānubhāvo, atha ca pana nevattānaṃ pātukarissatīti.

45. atha kho bhagavā āyasmantaṃ, sārīputtaṃ āmanesi: tasmātiha⁶² tvaṃ sārīputta imaṃ dhammapariyāyaṃ abhikkhaṇaṃ bhāseyyāsi bhikkhunaṃ bhikkhunīnaṃ upāsakānaṃ upāsikānaṃ. yesampi hi sārīputta moghapurisaṇaṃ bhavissati tathāgate kaṅkhā vā vimati vā tesamimaṃ⁶³ dhammapariyāyaṃ sutvā yā tathāgate kaṅkhā vā vimati vā sā pahīyissatīti. itihidaṃ āyasmā sārīputto bhagavato sammukhā sampasādaṃ pavedesi. tasmā imassa veyyākaraṇassa sampasādanīyantveva adhivacananti.

⁶²yasmā - syā

⁶³tesampi imaṃ - pts; tesampi maṃ - syā